


聖濟總錄纂要

三
三

諸凡門 虫蝨風 肌肉瞶動 風癩 風毒
腦風 風頭眩 風頭痛 偏頭痛 漏風 勞風
風痰 胃風 風頭施 風秘 瘰腸風 白駁
白癩 疔 紫癩風 惡風 大風眉鬚墮落
大風出虫 大風癩疾 烏癩 白癩

共十

武
123
3



武門
123
卷 9



聖濟總錄纂要 卷之四



新安 程 林雲來 纂

錢塘 陳繼新澹持 較

陳師錫升菴

新安 江 湘郢上 閱

傷寒門

傷寒乾嘔 傷寒嘔噦 傷寒心悸

傷寒痞滿

傷寒乾嘔

傷寒乾嘔

論曰傷寒乾嘔者嘔而無所出也此因邪熱在胃或汗解後胃中不和尚有蓄熱氣薰上焦心中痞結故令乾嘔且諸邪氣在胃胃氣上逆皆發為嘔冷即寒痰凝結嘔出涎沫熱即津液消燂獨其氣逆故乾嘔不已施治者不可不察

竹茹湯 治胃氣虛熱乾嘔不止

竹茹 半夏 甘草五錢 人參 蘆根一兩 前胡

葛根三分 薑水煎五錢服

蘆根湯 治心脾虛熱乾嘔煩熱不下食

蘆根二兩 人參 赤茯苓 竹茹一兩 甘草五錢

水煎五錢入小麥一撮薑一分溫服日二

枇杷葉湯 治乾嘔煩渴不止

枇杷葉去毛蜜炙 麥冬 人參 葛根三分 白茯苓五錢

甘草炙一分 薑水煎三錢服

人參煮散 治胃氣虛冷乾嘔不止

人參一兩 白朮 白芍三分 杏仁 陳皮 枳殼

高良薑 甘草 乾薑五錢 薑棗水煎三錢稍熱服相

繼三服以熱稀粥投之以助藥力汗出乃差

白木飲 治邪熱雖退胃中不和乾嘔不已甚則吐逆

白朮 蘆根 紫朴一兩 枇杷葉去毛炙五錢

薑水煎三錢空心溫服日二

傷寒嘔噦

論曰傷寒嘔噦者病在足陽明胃經也足陽明之脉厥而上行令人氣逆氣逆故嘔噦仲景云嘔多雖有陽明症慎不可下蓋為此也又傷寒嘔噦有因熱壅胸中邪氣之高所致有因吐下後虛熱在內及飲水停積所致症既不同治亦有異不可不察

半夏湯 治胃氣逆冷食已嘔噦即欲吐

半夏 白茯苓一兩 人參 枳殼五錢 白朮炒兩半

薑水煎三錢溫服日三服

人參湯 治服冷藥過多胃寒嘔噦不下食

人參 白朮 附子 白茯苓 陳皮一兩 桂心 乾薑

五錢 丁香一分 薑水粳米煎五錢服

藿香人參湯 治嘔噦不止胸滿煩悶

藿香三分 人參一兩 甘草 陳皮五錢

薑水煎三錢服日二

通正散 治噦逆嘔吐虛氣妄行

丁香 乾柿蒂一兩 蓮肉五十枚 共末酒下二錢

四逆加薑湯 治少陰症嘔噦

甘草炙一兩 附子 生薑切焙兩半 乾薑三分

水煎五錢溫服

傷寒心悸

論曰傷寒心下悸者謂悸動不定也傷寒飲水過多水停心下腎氣乘心則心虛氣弱故為之悸動皆由發汗後又下之津液燥少若內生虛熱熱則飲水水氣停積故必振

寒而心下悸也

茯苓甘草湯 治傷寒厥心下悸先治其水服此湯却治

其厥不爾水漬入胃必作利

赤茯苓 甘草 桂心一兩 薑棗水煎五錢溫服日二

桂枝甘草湯 治發汗過多其人叉手自冒心心下悸欲

按者

桂枝四兩 甘草三兩 水煎五錢溫服日二

甘草湯 治脉結心悸

甘草 麥冬一兩 生地四兩 人參 桂心五錢 麻仁一合

薑棗酒水煎五錢去滓入阿膠一片令洋盡溫服二日

桂枝湯 治水在心下心悸動欲得人按

桂枝二兩 赤茯苓兩半 白朮一兩 甘草 陳皮去白炒五錢

生薑水煎五錢空心溫服日二

傷寒痞滿

論曰傷寒病發于陰醫誤下之邪氣入裏胃中虛客氣上逆心下滿不痛按之不堅此為痞也法宜瀉心唯表未解者未可攻之當先解表然後攻痞若表解而裏未和或瀉心而痞不解其人口燥煩渴皆隨症處治其眩冒而經脈

動惕者久則成痿若表裏俱虛之人有氣痞陰陽氣并竭無陽則陰獨復加火針因胸煩面青黃膚潤者難治其脈微浮而氣上冲咽喉不能息者非痞乃有寒在胸中故也治屬吐法

半夏瀉心湯 治心下痞但滿不痛者

半夏一兩 乾薑 人參二兩 片苓 川連 甘草五錢

大棗水煎五錢食後服日二

大黃黃連瀉心湯 治傷寒大下之後復發汗心下痞惡

寒者表未解也不可攻痞當先解表表解乃攻痞解

表宜桂枝湯攻痞宜此湯

大黃_{二兩} 川連_{一兩} 以麻黃沸湯漬三錢須臾絞取汁

溫服 一方有片苓_{一兩}

瀉心湯 治傷寒汗解後胃中不和心下痞硬噫食殍脇

下有水氣腹中雷鳴下利

人參 甘草_{三分} 川連 乾薑_{一兩} 片苓_{一兩} 半夏_{薑汁}

_{炒二兩半} 薑棗水煎四錢空心溫服晚又服

甘草瀉心湯 治傷寒中風醫反下之其人下利日數十

行完穀不化腹中雷鳴心下痞硬而滿乾嘔心煩不

得安醫見心下痞謂病不盡復下之其痞益甚此非

結熱但以胃中虛客氣上逆故使硬也

炙甘草_{四兩} 片苓 乾薑_{三兩} 半夏_{薑汁炒二兩半} 川連_{一兩}

水煎四錢大棗二枚溫服

旋復代赭湯 治發汗若吐下後心下痞硬噫氣不除

旋復花_{三兩} 代赭石_{一兩} 人參 半夏 甘草_{炙二兩}

薑棗水煎四錢溫服日二

蘇橘湯 治胸中痞滿心腹氣滯不思飲食

紫蘇葉 大腹皮 旋復花_{一兩} 陳皮_{二兩} 赤茯苓_{兩半}

半夏錢五 薑棗水煎五錢溫服

異效丸 治五六日大下後心中痞滿氣息喘逆欲絕

人參 白朮 甘草 枳殼 赤茯苓 括樓 陳皮炒

木香錢五 乾薑分三 共末蜜丸桐子大空心米飲下二

十九丸至晚再加至三十九

草豆蔻湯 治傷寒汗後胃氣不和心下結痞噫氣食不

脇下虛滿虛鳴下利

草蔻 陳皮 枳殼錢五 人參 半夏 甘草

乾薑分三 薑棗水煎五錢溫服日二

傷寒霍亂 傷寒小便不通 傷寒大便不通

傷寒下利

傷寒霍亂

論曰嘔吐而利病名霍亂此由邪氣在中焦使陰陽二氣不能升降則心腹絞痛而作吐利其候先心痛則先吐腹後痛則先利心腹俱痛則吐利並作古人以其病迅暴揮霍之間便致撩亂故名霍亂傷寒霍亂亦由中焦陰陽不和所致故其狀有熱而渴者有寒而不渴者有發熱惡寒汗出厥逆者有病勢已而身體疼痛不休者不可槩以一

法治

理中湯 治霍亂吐利寒多不喜飲水

人參 白朮 甘草 乾薑二兩

共末蜜丸彈子大沸湯化一丸溫服日三夜二

五苓散 治霍亂頭痛發熱多欲飲水

猪苓 白朮三分 桂心五分 赤茯苓 澤瀉一兩

共末溫水空心下二錢日二

蘆根人參湯 治霍亂心煩乾嘔

蘆根二兩 人參 麥冬 赤茯苓一兩 枇杷葉去毛炙一分

水煎五錢入薤白三寸溫服日三

藿香湯 治霍亂轉筋嘔吐不止

藿香 人參 附子 木瓜 桂心 川歸二兩

生薑水煎三錢溫服日二

吳茱萸湯 治霍亂吐利腹脹轉筋手足冷飲食不消

吳茱萸 紫朴一兩 桂心 丁香 木瓜 甘草

藿香五錢 人參三分 薑水煎三錢服日二

白朮湯 治霍亂吐利轉筋

白朮 陳皮一兩 木瓜二兩 薑水煎三錢溫服日二

傷寒小便不通

論曰傷寒小便不通者或因發汗過多津液虛少胃中乾燥或小腸有伏熱氣道不宣皆令小便不通也方論云胃中乾則無小便慎不可利蓋言汗後亡津液也若下焦有熱而小便不利又當隨症利之

赤茯苓通湯 治下焦有熱小便不通

赤茯苓 木通 滑石 車前子一兩 水煎五錢溫服二日

猪苓湯 治脉浮發熱渴欲飲水小便不利

猪苓 赤茯苓 滑石 澤瀉一兩

水煎五錢去渣入阿膠末一錢再沸溫服日二

五苓散 治傷寒汗後小便不利微熱消渴

猪苓 赤茯苓 白朮三兩 桂心五錢 澤瀉一兩

共末水下三錢

雞蘇湯 治小腹急痛小便不利

雞蘇一把 木通 滑石 杏仁去皮尖炒 冬葵子 石韋

去毛一兩 生地二兩 水煎五錢溫服

傷寒大便不通

論曰傷寒大便不通者胃腑實也因太陽病若汗若下若

利小便亡其津液胃中乾燥因轉屬腸明不更衣內實大便難此陽明症也當下之然有陽明症不可下者當問其小便日幾行若本小便日三四行今日再行故知大便不久出為小便數少津液當還胃中故知不久當大便如此則傷寒嘔多雖有陽明症不可下明矣凡胃中有燥屎常以湯水和之湯入腹中轉失氣者此所謂有結燥下之無害若不轉失氣者此但初硬後必溏不可下下之則脹滿不能食也

小承氣湯 治陽明病潮熱若不大便六七日恐有燥屎

欲知之法少與小承氣湯湯入腹中 轉失氣者有燥屎也乃可攻之若不轉失氣者但初頭硬後必溏不可攻攻之必腹脹不能食也欲飲水者與水則噦其後發熱者必大便硬而少也以小承氣和之

大黃 酒洗 四兩 紫朴 薑汁炒 二兩 枳實 三枚 炒 水煎五錢溫

服當更衣不爾者再服更衣者勿服服後若不轉失氣者不可攻

大承氣湯 治傷寒病不大便五六日繞臍痛煩躁發作有時此為有燥屎宜此湯

聖濟總錄卷之四 不通

大黃酒洗 四兩 紫朴薑炒 八兩 枳實炒 五枚 水煎五錢去渣

入芒硝一錢數沸溫服 仲景云少陰病六七日不

大便者此湯主之

麻仁丸 治傷寒跌陽脈浮而濇浮則胃氣強濇則小便

數浮濇相搏大便則硬其脾為約

麻仁半升 白芍炒 二兩 紫朴薑汁 炒 枳炒 一兩 三分

杏仁炒 二合 大黃炒 四兩

共末蜜丸桐子大飲下十九日三

蜜膽導 治大便秘澀服藥不通

白蜜三合 雄猪膽一枚 膩粉研半分 先將蜜入銅器中

微火慢熬二十沸入膽汁將杵子不住手攪慢煎成

膏入膩粉和丸如棗核大以薄綿包內下部中未通

再用

傷寒下利

論曰傷寒下利者其種固多端然皆由表實裏虛寒熱溼氣乘虛客搏于腸胃之間故腸胃隨其所傷而下若傷寒則下青白傷熱則下黃赤寒熱相雜則赤白俱下若兼以溼毒則又下膿血如魚腦如爛肉也其候不同有下利而

脉虛者有下利而脉實者有濕毒勝而腹痛者有熱氣盛而煩渴者有津液搏滯而腸垢者有屎燥結聚而妄言譫語者其要在審別虛實以治之

白頭翁湯 治傷寒下利飲水者內有熱也及熱利後重

白頭翁 錢五 川連 川栢 秦皮 分三

水煎五錢空心服日二

桃花湯 治傷寒少陰病二三日至四五日腹痛小便不利下利不止及便膿血

赤石脂 四兩一半研 糯米 二合 乾薑 一分

一半不用研 水煎五錢溫服

水一升煮薑米并不研石脂候米熟用汁一小鍾入

石脂末一錢再沸溫服日三

四逆湯 治自利不渴者屬太陰以其臟有寒故也當

炙甘草 兩一 附子 錢五 乾薑 炒三分 水煎五錢溫服

又治傷寒後下利清穀不止身疼痛急當救裏

犀角湯 治熱毒不解日晡壯熱腹痛純下鮮血

犀角 片苓 川連 茜根 地榆 兩一 山枝 錢五

水煎五錢入薤白五寸溫服

黃栢湯 治下痢膿血

聖濟總錄卷之四
川栢 阿膠錢五 川連兩一 山枝分一 水煎三錢食前

服日二

龍骨丸 治臟腑虛冷下白膿腹痛

龍骨 乾薑 附子兩一

共末醋糊丸桐子大米飲下三十九日二

竹茹湯 治利下血不止

竹茹 白芍 子芩錢五 木通分三 升麻 黑木耳燒灰

兩半 水煎三錢去滓入生地汁一合溫服

傷寒陰毒 傷寒陽毒 傷寒發斑

傷寒陰毒

論曰陰氣獨盛陽氣暴衰陽為陰所勝內外皆陰故成陰毒傷寒有初得病便成陰毒者有服藥經五六日不差變成陰毒者以病本屬陰因服寒藥過多或臟腑內外受寒陰氣轉盛陽氣不復所致其候四肢逆冷臍腹築痛身如被擊嘔吐下利其脉微細而疾

陰毒甘草湯 治傷寒初病一二日便結成陰毒或服藥

後自變成陰毒身重背強腹中絞痛咽喉不利毒氣攻心心下堅強短氣不得息嘔逆唇青面黑四肢厥

冷其脉沉細身如被杖五六日可治至七日不可治

甘草 升麻 桂心 川歸五錢 川椒 雄黃一分

鼈甲炙兩半 水煎五錢溫服日二

氣壅喘悶方 治陰毒手足厥冷或生斑點

附子二枚火燒黑 色出火毒 為末用沉香磨水米飲下二錢

正陽湯 治傷寒陰毒唇青面黑張口出氣心下硬身不

熱額上出汗煩渴不止舌黑多睡四肢逆冷

附子 甘草 乾薑一兩 皂莢一枚去皮 炙黃 麝香一錢 研

共末水煎二錢稍熱服

正陽丹 治陰毒手足厥冷脉沉細面目青

硫黃 硝石 太陰玄精石一兩 同研入瓶內鹽泥封

固陰乾火煨赤細研酒煮糊丸桐子大酒下二十九

附子回陽散 治傷寒陰毒面青唇黑四肢逆冷臍腹痛

身體如水并一切卒暴冷氣

附子二枚 為末用生薑自然汁半鍾冷酒拌勻下三錢

更以冷酒送下相次再服良久臍下如火徧身和煖

為度

傷寒陽毒

論曰陽氣獨盛陰氣暴衰陰為陽所勝內外皆陽故名為陽毒傷寒有得病便成陽毒者有服藥經五六日不差變成陽毒者蓋以病本屬陽或以火劫發其汗或因灸熯陽氣轉盛陰氣內消所致其候面赤發躁狂走妄言或發斑如錦紋或咽喉疼痛或涕吐膿血或下痢黃赤其脉洪實滑促是其證也

升麻湯 治傷寒一二日便成陽毒或服藥吐下後變成陽毒腰背疼痛煩悶不安面赤狂言或見鬼神或下痢脉浮大數面赤斑紋如錦咽喉痛吐膿血五日可

治七日不可治

升麻 犀角 射干 人參 片苓 甘草一兩

水煎五錢溫服少頃又服取汗未汗再服

枝子湯 治陽毒壯熱百節疼痛

枝子 赤芍 大青 知母一兩 石膏 片苓

杏仁炒二兩 甘草五錢 柴胡兩半

薑棗水煎四錢入豉百粒服

黑奴丸 治傷寒時行熱病六七日未得汗脉洪大或面

赤目脹身大熱煩躁狂言欲走渴甚又五六日以上

不解熱在胸中口噤不能言心下尚暖灌藥下咽即活兼治陽毒及發狂

麥奴

山麥未熟時中有不成者上有黑衣勃取下即名麥奴一兩

麻黃

去根節三兩

大黃

二兩

片苓

芒硝

釜底煤

竈突煤

梁上塵

各一兩

共末蜜丸彈子大取新汲水化下一丸渴者與

冷水盡量飲之須臾當寒寒過汗出即差若服藥日移五尺不汗再服一丸差即止須微利下此藥須病人人大渴倍常燥盛者乃可與之不爾不可與

大青湯

治陽毒煩躁不解或下利危困

大青

二兩

犀角

山枝

甘草

川連

五錢

秦艽

一兩

水煎五錢入豆百粒薤白七寸空心服

犀角湯

治傷寒陽毒初得身大熱目赤便黃心悶頭痛

煩渴不止四肢疼痛語言錯亂眠臥多驚

犀角

一兩

赤茯苓

陳皮

甘草

麻黃

細辛

茵陳蒿

五錢

人參

三分

薑棗水煎五錢服

傷寒發斑

論曰傷寒發斑者陽盛故也其病在表或未經發汗或已經發汗未解或吐下後邪熱不除毒氣內盛因表虛熱毒

乘虛出于皮膚發為斑疹如錦紋若色赤發在五六日內者可治色黑過七日乃發者難治甚則身體喉舌皆成也黃芩湯 治傷寒熱病十日內未得汗表裏有熱遂發斑

點時或狂言目色黃心中煩熱大便不利

片苓 大青 大黃 升麻 朴硝 山枝一兩

茵陳蒿一兩 川連 甘草五錢 竹葉三七片水煎五錢服

石膏湯 治發黑斑

石膏二兩 麻黃 葛根一兩 川連三分 故鞋一隻去土細切

川椒炒一分 桂心五錢 水煎五錢溫服取汗

傷寒發黃 傷寒發豌豆瘡 傷寒發狂

傷寒剛瘧 傷寒柔瘧

傷寒發黃

論曰傷寒發黃之狀身體盡變黑黃或如橘色是也凡陽明中風太陽中溼皆令人發黃蓋由得病無汗小便不利寒溼不散則熱結脾胃腠理閉塞瘀熱之氣與宿穀相搏而鬱蒸不能消散故二便結澀不通令人身體面目皆變黃色其病腹滿身疼發熱若其人小腹滿急眼澀疼鼻骨痛兩膊及項強腰背急者是也但得小便快利漸愈仍不

用大便多即令人心脹又有急黃者身體黃甚卒然而發心滿氣喘命在須臾故名急黃有初得病便黃者初不知是黃死後方變黃者此病亦因脾胃瘀熱本天行時氣所作宜細辯之但發熱心戰者乃是發黃之候

茵陳蒿湯 治陽明發熱汗出此為越熱不得發黃也但頭汗出小便不利渴飲水漿此為瘀熱在裏身必發黃下之宜此湯又傷寒七八日身黃如橘皮小便不利腹微滿者宜此湯

茵陳蒿

六兩

梔子

十四枚

大黃

生三兩

共為粗末水煎

五錢三服後小便當利下如皂莢汁狀乃愈

麻黃連翹湯 治瘀熱在裏發黃

麻黃

去根節二兩

連翹

生薑

焙二兩

杏仁

四十枚去皮尖炒

生梓白皮

東引一升

大棗

十二枚

甘草

一兩

水煎五錢熱服

梔子栝皮湯 治傷寒身黃發熱

梔子

十五枚炒

黃栝

二兩

甘草

一兩

水煎三錢

抵當湯 治傷寒太陽身黃脉沉細小腹鞭小便利者為

無血也小便自利其人如狂者血諦證也

水蛭

三十枚炒

蜜蟲

三十枚炒

桃仁

十枚炒去皮尖

大黃

三兩

水煎三錢服

龍膽湯 治發黃煩熱皮肉皆黃小便赤不利

龍膽 枳殼 山枝 木通 知母 柴胡 地骨皮

白芍 甘草 麥冬 升麻 羚羊角一兩 水煎五錢

黃芩湯 治傷寒發黃或先服利藥未差宜以內消以折

熱氣

片苓 茵陳蒿 升麻 犀角一兩 山枝 柴胡

龍膽草五錢 水煎五錢入生地汁一合

茅根湯 治傷寒發黃通身如金色

茅根 山枝 甘草 茵陳蒿 地骨皮一兩

薑水煎五錢入豉三七粒熱服

枝子湯 治傷寒急黃

山枝 柴胡 朴硝另研 茵陳蒿五錢 水三大鍾煎二

大鍾去渣入硝分三服取利

茵陳蒿散 治傷寒時氣急黃疼痛

茵陳蒿 片苓 枝子 大青一兩 大黃 朴硝五兩

白蘚皮 葛根 升麻兩半 共末新汲水下二錢得利

傷寒發豌豆瘡

論曰傷寒熱毒內盛多發炮瘡者以病人表虛裏實故也裏實則毒氣不能內消表虛故乘虛發于肌肉而成瘡其瘡大小形如豌豆其色或白或赤若頭作癩漿戴白膿者其毒則輕若紫黑色作根隱隱在肌肉裏者其毒則重甚者周匝徧身五內七竅皆有也

參麻湯 治傷寒熱病生豌豆瘡并炮瘡煩悶昏迷

玄參 升麻 乾藍葉一分 甘草三分 犀角鎊五錢

水煎五錢入葱白三寸豉一撮熱服日二

豌豆瘡四邊赤腫

胡荽一把 生地 二味搗取汁空心服盞許

犀角湯 治傷寒熱毒氣盛瘡如豌豆

犀角二兩 麻黃 川連兩半 木香兩一 水煎五錢日二

內消散 治傷寒熱病欲生豌豆瘡毒未出令不成

京墨燒去烟一分 用酒三合磨令頓服

紫草湯 治傷寒斑疹豆瘡

紫草 惡實 荆芥穗兩一 水煎三錢熱服日二

傷寒發狂

論曰重陽者狂謂陽氣獨盛也傷寒熱毒既盛內外皆熱

則陽憤與而發為狂越使人狂走妄言或罵詈不避親疎或妄見妄聞棄衣而走登高而歌或數日不食踰垣上屋蓋四肢諸陽之本熱盛而四肢實是為重陽故所上之處皆非素所能而病乃能也若乃因火為邪而發為驚狂及內有瘀血而外症如狂其為病雖不同然其為陽氣可餘則一也

犀角湯 治傷寒十數日頭戰掉大汗出恍惚狂走眼見

鬼神

犀角 山枝五錢 白芍 生地 麥冬 茯神一兩

茵陳蒿三分 水煎五錢入竹葉二十一片食後服

羚羊角湯 治汗後熱毒未盡因有所驚狂言欲走

羚羊 犀角 防風 片苓 升麻 玄參 茯神五錢

龍齒 甘草一兩 人參 竹茹 骨皮三分 水煎五錢

抵當湯 治太陰病六七日表症仍在脉微沉反不結胸

其人發狂者以熱在下焦少腹當滿小便自利者下

血乃愈所以然者以太陽過經盡而瘀熱在裏故也

水蛭十枚炒 蜜蟲十枚去翅足炒 大黃酒浸炒一兩 桃仁七枚炒

水煎五錢服當下瘀血不下再服

絳雪丸 治傷寒發狂眼赤二便血出身如金色兼治六

七日狂躁發熱

硝石兩一 丹砂分一 研細粟米飯丸彈子大砂糖冷水

下一丸服藥後便睡移時汗出為效

傷寒剛症

論曰傷寒病發汗過多因致瘧其狀令人搖頭發熱頸項強急惡寒背反張痠瘕口噤謂之剛症者特以無汗而反惡寒故也

葛根湯 治傷寒太陽病無汗小便反少氣上冲胸口噤

搖頭欲作剛症

葛根兩四 白芍兩二 麻黃去根節 甘草兩二 桂心兩二

薑棗水煎五錢熱服取微汗

大承氣湯 治傷寒剛症胸滿口噤臥不着蓆脚攣急必

齟齬

大黃兩四 枳實兩一 紫朴錢五 水煎五錢去渣入芒硝

五分二沸服

羚羊升麻湯 治傷寒剛症仰目壯熱筋脉不舒牙關緊急不欲見食

羚羊 升麻 白鮮皮 龍齒錢五 木通 百合

防風分一 石膏兩一 水煎五錢入豉百粒葱白五寸

小續命湯 治傷寒剛瘧無汗惡寒口噤背強

麻黃 桂心 甘草錢五 白芍 白朮 人參 川芎

附子 防已 防風分一 水煎五錢日三夜二

傷寒柔瘧

論曰柔瘧之狀搖頭發熱頸項強急腰身反張或瘕瘕口噤與剛瘧同然謂之柔瘧者特以其自汗不惡寒故也瘧又謂之瘧者蓋以瘧一類古之時以強直名之

桂枝加葛根湯 治傷寒柔瘧項背強几几反汗出惡風

桂枝兩二 葛根兩四 麻黃 白芍兩三 甘草兩二

薑棗水煎五錢取汗

桂朮湯 治傷寒柔瘧手足厥冷筋急汗不止

桂心兩一 白朮 人參 附子分三 甘草 防風

乾薑錢五 水煎五錢日二

五味子湯 治柔瘧汗出身體強直手足多寒

五味兩炒一 木香 附子 檳榔兩三 白朮 甘草

乾薑 桂心錢五 水煎五錢日二

柴胡飲 治柔痙四肢逆冷汗不止腹中痛筋脉急

柴胡 赤茯三分 桂心 良薑一分 檳榔煨 五味子

炒五錢 水煎五錢服

傷寒壞病 傷寒狐惑 傷寒百合

傷寒陰陽易 傷寒鼻衄

傷寒壞病

論曰傷寒太陽病三日已發汗吐下溫針仍不解者多變為壞病又陽病轉入少陽已吐下發汗少陽症罷此為壞症知犯何逆以法治之此由傷寒病在諸經絡發汗吐下

而病症不除又感異氣有寒暑燥溼風不同病亦隨變故謂之壞病又有傷寒過經再受邪熱留蓄臟腑病候多變者及傷寒解後虛羸少氣餘症未除者皆謂之壞病

知母麻黃湯 治傷寒壞病差後或十日二十日終不惺

惺精神昏語言亂又無寒熱醫作鬼祟或作風病多端治藥弗效或朝夕潮熱頰赤或似瘧由發汗未盡餘毒在心包絡間所致

知母兩半 白芍 麻黃 甘草 片苓 桂心五錢暑月減半

水煎五錢半日內可相次三服取汗未汗再服若心

煩不眠欲飲水者稍稍與之令胃中和即愈

黑奴丸 治壞病頭與骨肉俱疼狂言妄語醫所不治

麻黃 片苓 甘草 芒硝 竈突墨一兩 豉炒一合

共末蜜丸彈子大新汲水下一丸

考此丸與陽毒黑奴丸不同

麥冬湯

治傷寒壞病經久不差潮熱不退身體沉重昏憤煩悶

麥冬 赤茯 甘草 鼈甲醋炙一兩 水煎三錢入烏梅

肉一枚小麥五十粒溫服日二

傷寒狐惑

論曰狐惑之病初得狀似傷寒或因傷寒而變皆蟲症也

蟲蝕其喉為狐使人聲啞蟲蝕其下部為惑使人咽乾其候皆默默欲眠不得臥起居不得安惡飲食面目乍赤乍白乍黑是也由傷寒病腹內熱飲食少腸胃空虛而蟲為之不安故隨食上下部而病名狐惑也

赤小豆當歸散 治傷寒變成狐惑脉數無熱微煩默默欲卧汗出得之三四日眼赤得之七八日目四眦黑能食者膿已成也

赤小豆一升 川歸一兩 共末水煎三錢溫服日二

黃芩湯 治傷寒不發汗變成狐惑脉數無熱微煩二目

赤但欲眠睡咽乾不能食

片苓 射干一兩 甘草 竹茹 知母 前胡五錢

川連炒三分 水煎五錢日二

黃連犀角湯 治病後瘡出下部

川連五錢 犀角一兩 木香一分 烏梅七枚

水煎三錢日二

木通湯 治傷寒陰陽不和變成狐惑目如鳩赤面色斑

紋如錦

木通一兩 甘草 桂心 細辛五錢 吳茱萸洗炒三兩

薑棗水煎五錢葱白五寸

雄黃導氣湯 治傷寒狐惑下部匿瘡

雄黃研 青箱子 川連 苦參五錢 桃仁炒一分

共末生艾汁和如棗大綿裹導下部扁蓄汁更好冬月無艾蓄用根

擦膈湯 治傷寒狐惑病在上焦

苦參一兩 甘草五錢 作一服水煎五更服良久即吐

薰洗四皮湯 治狐惑攻下部肛內生瘡

槐白皮 柝白皮 桑白皮 桃白皮二兩

水煎四兩薰洗下部

檳榔丸 治未汗變狐或毒蝕肛門痒不止下膿血

檳榔 丹砂五錢 麝香一錢 杏仁四十九枚炒 共末用飴

糖和如棗核大先用椿根槐白皮各二兩水煎洗肛

門將藥內之

雄黃薰方 治狐或蟲食下部肛外如蠶痛痒不止

雄黃研五錢 用瓶一箇口稍大者入灰半瓶灰上放火

將黃末燒之候煙出坐瓶口上薰之良

傷寒百合

論口傷寒百合者謂百脉一宗悉致其病也其狀欲食復不能食常默默欲得卧又不能臥欲出行又不能行食欲有時美亦有時不美如有寒又如無寒如有熱又如無熱口苦小便赤黃得藥則吐利者是也此由傷寒及大病後臟腑俱虛榮衛耗弱不能平復變成斯病然以百脉一宗悉致其病又無復經絡故其病症變異治之各隨其症

百合雞子湯 治傷寒病吐之後

百合七枚 雞子黃一枚 水漬合一宿更水煎去渣入子

黃攪服

百合知母湯 治傷寒已經汗後

百合七枚 知母一兩 水浸百合一宿更水煎分二服

百合滑石散 治傷寒變發熱

百合一兩 滑石半兩 共末空心飲下二錢日二

百合地黃湯 治傷寒不經汗吐下後病形如初

百合七枚 生地黃汁一鍾 水煮百合取汁和生地汁溫

服中病勿更服大便當如漆

百合半夏湯 治傷寒病不差不思食欲成勞

百合二兩 半夏 人參 赤茯苓 川連炒 知母一兩

生地半兩 薑水煎五錢日二

百合紫苑湯 治傷寒病似勞形狀如瘧

百合二兩 紫苑 柴胡 杏仁 白茯苓 半夏 甘草

薑水煎五錢日二

傷寒陰陽易

論曰凡傷寒大病後氣血未復若房事太早不特令病人勞復因而爾染易男病傳女女病傳男由轉易然故名陰陽易其狀身體重少氣熱上冲胸頭重不能舉目昧四肢拘急苦小腹急痛力弱著牀不能轉側舉動憑人不急治則

聖濟總錄卷之四
死或經歲月漸至羸困亦死

枳實湯 治傷寒勞復陰陽易

枳實 山枝一分 豉炒二分 雄鼠糞十七粒炒

水煎二服未效又服

燒裨散 治傷寒陰陽易身腫氣少小腹急陰中拘攣熱

上冲胸頭重不欲舉眼目生花膝脛拘急

女人中裨取對陰戶者水洗燒灰研末女人病取男人者 永服方寸匕日三

服小便利陰頭腫愈

立效湯 治陰陽易身重小腹裏急陰頭微腫

韭白一把 雄鼠糞二十七枚炒 水煎一日服汗出愈

萎蕤湯 治陰陽易氣冲心胸頭重不舉

萎蕤一兩 木香 桂心三分 荆芥穗五錢 雄鼠糞二十七枚

炒 水煎五錢温服日二

二灰散 治傷寒陰陽易

手足指甲二十大片男病用女女病用男 裨襠布水洗一片男病用女女病用男

燒灰研末分三服酒下

犀角湯 治病未平復陰陽易壯熱頭痛鼻出血

犀角 竹茹 丹參 葛根一兩 石羔三兩

水煎五錢日二
傷寒衄血

論曰傷寒衄血者由熱氣蘊甚血溢妄行蓋心生血肝藏之肺主氣鼻則通之心肝為熱邪所傷則血隨氣妄行所以從鼻出也人謂陽盛則衄者蓋陽盛則熱盛熱盛則宜衄故傷寒太陽症衄血乃解謂是故也至于陰病則不宜衄蓋陰症自無熱安得而衄故少陰病但厥無汗強發之必動其血或從口鼻耳目出者是謂下厥上竭為難治
茅花湯 治傷寒衄血不止

茅花 水煎濃汁溫服如無花以根代之

黃連散 治熱病鼻衄不止或兼吐血

川連 竹茹 伏龍肝三分 片苓一兩 山枝 甘草五分

錢 薑棗水煎五錢入生地汁半合亂髮灰五分一沸

食後服

阿膠湯 治衄不止此陽毒攻肺

阿膠 片苓一分 葱白五寸 熟艾五錢 豉四十九粒炒

作二服水煎溫服入生地汁一合

刺薊湯 治傷寒衄血吐血心中堅硬一身疼痛四肢煩

悶

刺薊 麥冬 生地一兩 竹茹 紫蘇 白茯苓五錢

薑棗水煎五錢服

黃土湯 治衄血去五臟熱毒

黃土者 竈中 白芍 川歸 片苓 甘草 川芎三分

生地兩者 桂心一分 竹茹五錢 水煎五錢服

髮灰散 血衄不止

髮灰 麝香 同研極細新汲水下一錢又吹鼻中少許

四生飲 治衄血心胸煩悶

生地汁三合 生藕汁二合 生薑汁半合 白藥子一分

生刺薊汁一合 五共微溫分二服

升麻湯 治衄血不止頭痛壯熱

升麻 紫蘇 白芍一兩 青蒿 犀角 芒硝三分

水煎三錢入生地汁一合

地黃飲 治血衄不止

懷生地黃汁二合 白蜜三合 攪勻頓服即愈

生地汁飲 治時疾壯熱頭疼血衄不止

生地汁 生藕汁 生薑汁 白生蜜各二合

傷寒吐血

甲

和勻分三服微煎食後臥服

傷寒吐血

傷寒瘀血

傷寒口舌生瘡

傷寒舌腫脹

傷寒咽喉痛

傷寒毒攻手足

傷寒吐血

論曰傷寒吐血者熱在陽經邪盛于表應汗而不汗熱毒入深結于五臟遂成瘀熱薰蒸于上焦血隨氣妄行并入胸中胃得血則滿悶氣逆故爾吐血也

麥冬湯

治傷寒頭疼手足煩熱吐血不止

麥冬

兩半

生地

片苓

甘草

吳藍

茅根

薺芎

兩一

水煎五錢入豆百粒

黃連湯

治吐血不止由心肺積熱血得熱即妄行

川連

炒兩半

荷葉

微炒一兩

熟艾葉

微炒五錢

側柏葉

微炙三分

水煎五錢入生地汁一合溫服

紫河車散

治吐血煩躁

紫河車

瓦上炙三分

朴硝

甘草

五錢

蛤粉

一分

共末新汲水和沙糖下二錢日二夜一

蜜汁方

治傷寒病後餘毒不解心臟熱極吐血不止

生藕汁

生地黃

惡實根汁

刺薊根汁

各二合

傷寒吐血

三

生白蜜一合 和勻頻頻溫服一二合
傷寒瘀血

論曰傷寒病在表當汗不汗邪無從出熱結在裏皆成瘀血然太陽病不解熱結膀胱其人如狂者少腹硬滿小便自利下血乃愈又陽明病其人喜忘者本有瘀血大便雖硬反易其色必黑或赤病人腹不滿反自言其滿者亦為瘀血在裏皆宜下之待瘀血得下即愈診其脈沉結者亦瘀血病也

抵當湯 治傷寒陽明症喜忘者必有蓄血所以然者本

有瘀血故令善忘大便雖硬反易其色必黑

水蛭三十枚炒

蜚蠊三十枚去翅足炒

桃仁二十一枚去皮尖炒

大黃兩炒

水煎五錢空心服不下更服

桃仁承氣湯 治太陽病不解熱結膀胱其人如狂血自

下者愈其外不解者尚未可攻當先解其外外已解但少腹急結者乃可攻之

桃仁十二枚炒

大黃兩

桂枝

甘草

芒硝五錢

水煎五錢去渣入硝再沸分三服

芍藥地黃湯 治傷寒病溫應發汗而不發內有蓄血及

衄血吐血不盡面色黃大便黑

白芍三分 地黃 丹皮二兩 犀角一兩 水煎三錢入生

地汁三合再沸服日二如發狂加黃芩一兩

傷寒口舌生瘡

論曰傷寒口舌生瘡此脾經受熱薰于口舌又或因冬時

發汗吐利後重亡津液表裏俱虛熱勢不已毒氣攻于上

焦致口中糜爛生瘡

升麻湯 治口舌瘡赤爛

升麻一兩 麥冬三分 丹皮 甘草五錢 水煎五錢入竹

藥二十一片大棗二枚溫服日二

苦酒湯 治少陰病咽中生瘡語聲不出

半夏十四枚 雞子一枚去黃留白 又以半夏入苦酒

內以雞殼放剪刀環中安火上煮二沸少少含咽

羚羊角湯 治病後餘熱上冲口舌生瘡

羚羊角 射干 麥冬三兩 白芍 木通 蘆根三兩

升麻兩半 水煎五錢食後服

傷寒舌腫脹

論曰傷寒舌腫脹者病在三陰也太陰之脉連舌本散舌

下少陰之脉循喉嚨挾舌本厥陰之脉循喉嚨之後又手少陰心經其氣通于舌凡此經絡為風熱所乘隨脉至舌熱氣留于血血氣壅滯故令舌腫脹胗其脉數急者是其候也

升麻湯 治熱病喉嚨閉塞連舌根腫痛熱氣聚于胸中

升麻 麥冬 石羔一兩 竹茹 木通 黃柏五錢

朴硝二兩 玄參 前胡三分 水煎五錢服

犀角湯 治脾肺虛熱毒氣壅塞喉咽連舌根腫痛

犀角 川歸 白芷一兩 升麻 甘草 杏仁

射干五錢 水煎五錢日二

治心脾熱舌腫痛

生地汁半斤 生白蜜八兩 慢火煎稠含化半匙日二三

傷寒咽喉痛

論曰傷寒咽喉痛者少陰受邪邪毒壅遏于上焦微則咽喉痛甚則痛而生瘡又傷寒過經邪熱內盛薰于上焦亦令人咽喉痛各隨症治

甘草湯 治傷寒少陰二三日咽痛

炙甘草二兩 水煎空心分作四服

桔梗湯 前服甘草湯不差者服之

桔梗炒五錢 炙甘草一兩 水煎分二服

苦酒湯 治少陰咽痛生瘡不能言語聲不出

半夏十四枚洗七次 雞子一枚 將雞子去黃用白和苦酒半

夏復入蛋中安火上令三四沸少少嚥之不差再服

半夏湯 治少陰咽中痛

半夏 桂心 甘草一兩 水煎放冷少少咽之

地黃煎 治時氣肺熱咳嗽咽痛

地黃汁半斤 白芍 玄參 升麻 貝母三分 麥冬

柴胡 竹葉一兩 白蜜五兩

水五大鍾煎去渣入蜜汁慢煎日三

傷寒毒攻手足

論曰傷寒毒攻手足者熱勝則腫也熱毒之氣客于腑臟邪結在裏循經而出注于四肢故令人手足煩熱赤腫疼痛也

連翹湯 治毒氣攻手足腫滿疼痛心神煩悶

連翹 麥冬 犀角 片苓 枳殼 川歸一兩 大黃 木香 防風 羌活 惡實五錢 射香一錢

傷寒毒攻

共末水煎服

又方 治毒氣攻手足虛腫疼痛欲死

蒼耳子五把 搗爛絞取汁漬洗手足

鉛丹膏 治毒氣攻冲手足虛腫

鉛丹五兩飛過 明松香 乳香炙去油 黃蠟一兩 麝香一分

研 先將松香煉化次入黃蠟化去渣入鉛丹乳末慢

煎成膏入麝香攪勻候冷用絹攤貼腫處凡一切腫

毒并宜貼此膏

傷寒後夾勞 傷寒後勞復 傷寒後骨接煩疼

傷寒後虛煩 傷寒後盜汗 傷寒後驚悸

傷寒後失音不語 傷寒後咽喉閉塞不通

傷寒後夾勞

論曰傷寒差後復夾勞者由病人先有風疹因汗下之後榮衛虛弱氣不充足形體羸瘦時有盜汗寒熱不常喘嗽痰唾鼻中臭氣飲食不消肢體痠痛面黃頰赤不即治之則致危殆

人參湯 治夾勞骨節疼痛渾身壯熱氣力虛乏

人參 白茯苓 白朮 白芍 桔梗 大茴香

紫苑一兩 柴胡 陳皮 蒼朮 羌活二兩 甘草兩半

秦艽三分 共粗末薑棗水煎二錢不拘時溫服

黃芪鼈甲湯 治傷寒病差後夾勞形體羸瘠或寒或熱病如瘧狀四肢煩疼等症

鼈甲 黃芪一兩 白朮 甘草 陳皮三分 知母

桑白皮五錢 葱白薑水煎五錢食後服

柴胡湯 治夾勞五心煩熱背膊痠痛手足無力不能飲食

柴胡 黃芪 鼈甲 赤茯苓一兩 秦艽 枳殼去白炒

地骨皮 片苓 葛根五錢 人參 甘草三分

薑水煎三錢服

人參鼈甲湯 治傷寒差後夾勞寒熱往來進退不時頭疼體痛口苦咽乾不思飲食

人參 鼈甲 附子 柴胡一兩 白芍 知母

烏梅肉炒 五味 桃仁炒 桂心 陳皮 羌活

秦艽 川歸五錢 薑水煎三錢溫服

傷寒後勞復

論曰內經謂熱病少愈食肉則復多食則遺此其禁也蓋

傷寒病新差後脾胃尚虛氣血尤弱穀氣未復津液未通若將養失宜輒嗜肉食則脾虛不能消釋或因勞形于事皆令邪熱乘虛還入經絡復成大病故名勞復當隨其症候或表或裏依法治之

知母湯 治新差後勞動用力或飢食過傷勞復

知母 鼈甲 柴胡兩半 麻黃 葛根三分 雄鼠糞炒焦

五七枚 水煎五錢入豆百粒葱白五寸食後溫服喫葱

粥取汗

石膏黃芩散 治食肉勞復如初壯熱頭痛心煩欲吐小

便赤黃

石羔兩一 片苓 山枝 人參 川連 知母 葛根

五錢 共末葱白竹葉湯下二錢空心服日二以差為度

知母湯 治勞復小腹硬卵縮疼痛欲死

知母 柴胡 麥冬 甘草半分 葱白三莖 水浸一宿

煎至小半入童便二盞豉心半合再煎五六沸入地

黃汁二合更煎微沸空心頓服微利即差

傷寒後骨節煩疼

論曰傷寒後骨節煩疼者由津液不足血脉皆虛餘毒客

于經絡榮衛澀滯于骨節之間故令骨節煩疼診三部脉細而遲澀者乃其候也

柴胡飲 治傷寒病後骨節疼痛咳嗽不能食口舌乾燥

乍寒乍熱唇口生瘡

柴胡 升麻 人參 白芍 茯苓 百合 地骨皮

片苓 麥冬 犀角五錢 鼈甲 石羔一兩 甘草一分

水煎五錢入竹葉生薑食後服日二

百合湯 治差後四肢煩熱骨節疼痛

百合 知母 鼈甲 柴胡 葛根 桑白皮一兩

水煎五錢入生地汁一合食後服日二

羌活湯 治傷寒病差後下焦風虛骨髓痠痛腰脚頑痺

不仁不能久立日漸消瘦

羌活 防風 丹參 白芍 棗仁 牛膝 五加皮

玄參 木通 川歸 檳榔 麻黃 獨活五錢 黃芪

桂心三分 薑水煎五錢空心服日二

傷寒後虛煩

論曰傷寒病後煩躁者有虛煩有穀煩陽氣偏多謂之虛煩病差後食穀太早新虛不勝穀氣胃內蒸熱謂之穀煩

若陰陽和調則虛煩自已損其穀食則穀煩者差

竹葉湯 治傷寒後虛煩狀似傷寒病但身不疼痛不惡

寒內外皆不可攻者

淡竹葉

十把

石羔

四兩

人參

甘草

五錢

麥冬

二兩

半夏

薑汁製三分

生薑水煎三錢入粳米百餘粒溫服

梔子豉湯

治傷寒汗後虛煩不得眠劇者必反覆顛倒

心中懊憹

又治傷寒發汗若下之虛煩心中窒痛

又治下利後更煩按之心下軟為虛煩

山梔

十四枚 去皮炒

豉

四合

水煎三錢不拘時服日二

五苓散

治傷寒中風發熱六七日不解心煩躁悶有表

裏症具渴欲飲水水入內即吐名曰水逆

猪苓

赤茯苓

白朮

三分

桂心

五錢

澤瀉

一兩

共末湯下二錢

猪苓湯

治少陰病下利六七日咳而渴嘔而煩不得眠

猪苓

赤茯苓

阿膠

滑石

澤瀉

一兩

水煎三錢溫服

麥冬湯

治傷寒病後餘熱不解或寒或熱四肢瘦弱虛

乏飲食不入胸中煩滿悶虛躁等症

麥冬

赤茯苓

人參

白朮

黃芪

陳皮

地骨皮

一兩 甘草 桂心五錢 水煎三錢溫服

六神湯 治病後虛煩不安

人參 黃芪 白朮 山藥 百合 防風二兩

薑棗水煎五錢不拘時服日二

傷寒後盜汗

論曰汗者心之液傷寒差後眠寢有汗者由心氣偏虛榮衛不足腠疎表弱因寢寐之間汗出故名盜汗久不已日漸羸瘦肢體痿弱

人參湯 治傷寒病後體氣虛弱夜臥汗出不止頭旋惡

心日漸羸瘦不思飲食

人參 半夏 黃芪 麻黃根兩 牡蠣火煨章便碎三次二兩

防風三兩 生薑水煎五錢溫服

杜仲湯 治病後虛弱夜多盜汗

杜仲二兩 人參 甘草三分 白朮 黃芪 白朮

白芍炒 茯苓一兩 牡蠣 麻黃根兩半 水煎五錢溫服

白朮散 治盜汗不止

白朮二兩陳壁土炒 為末苜蒲湯下二錢不計時服

粉汗方 治病後盜汗腠理開疎

牡蠣

燒紅童便
淬入兩

麻黃根

水洗焙
一兩

共末寢寐中有汗使人傅之

傷寒後驚悸

論曰傷寒後心氣不足風邪乘之則令人精神不寧恍惚驚悸由於憂忍思慮致心氣虛邪氣內乘故神氣不得泰定而生驚悸也

前胡湯 治伏熱在心怔忡驚悸

前胡

茯神

人參

一兩

遠志

一兩

丹砂

甘草

一分

薑棗水煎服

人參茯神湯 治心虛驚悸恍惚不寧

人參

茯神

一兩

陳皮

三分

杏仁

去皮尖
炒一分

生薑水煎三錢服

茯神丸 治心力勞倦四肢羸弱心忪驚悸吸吸短氣補

虛

茯神

麥冬

熟地

一兩

人參

丹皮

黃芪

二分

澤瀉

甘草

牛膝

桂心

五錢

共末蜜丸桐子大食前酒下二十丸

傷寒後失音不語

論曰傷寒後失音不語由風寒客于會厭會厭為音聲之戶邪氣傷之故卒然無音又肺主聲而通于氣人之五臟有五聲皆稟氣而通之若邪客于肺則氣道不調亦令人語無聲音當隨其輕重治之

杏仁煎 治暴嗽失音語不出

杏仁炒研二兩 百合 木通 五味 貝母 紫苑

桑白皮一兩 薑汁五錢 白蜜 沙糖四兩 水五大鍾煎

六味去渣下杏仁薑汁蜜糖沙糖微煎收如飴樣收貯水煎半匙不拘時服

豆竹湯 治失音不語

黑豆半升 青竹去節如算大四十九莖每莖長四寸洗淨 用水五大碗同

豆煮熟為度溫三服

羚羊角散 治失音不知人口眼不正舌強

羚羊角一兩 麻黃去根節 石羔五錢 片苓 防風

麥冬 升麻 乾葛三分 水煎五錢溫服日二

二瀝湯 治失音不語

竹瀝用綠竹去節火燒取瀝 荆瀝同上 梨汁二合 陳醬汁半合

各瀝過和勻分四服早晚用

聖濟總錄卷之四 音不語

桂心湯 治邪氣傷肺失音不語

桂心 二兩 石菖蒲 一兩 水煎三錢温服取微汗未退 再服

芥子酒熨方 治肺中風冷失音不語

白芥子 五合洗 乾研 用白酒三鍾煮令半熟以布帶熱包

裹令人熨頭項周遍冷則易之

傷寒後咽喉閉塞不通

論曰咽喉閉塞不通者脾肺壅滯風毒蘊積內搏經絡上攻咽喉也足太陰之脉上膈夾咽而喉則肺氣之所通故脾肺壅熱則咽喉閉塞凡傷寒後餘毒未盡上攻咽喉故

亦令閉塞不通

黃芩湯 治咽喉瘡痛口瘡煩躁頭痛毒氣上攻

黃芩 大青 山枝 甘草 五錢 升麻 麥冬 一兩

水煎三錢入竹葉食後服日三

升麻湯 同

升麻 木通 一兩 白芍 射干 羚羊角 五錢 蘆根 一握

水煎三錢食後温服

葛根湯 治傷寒後咽喉疼痛

葛根 竹茹 一兩 倉粳米 一合 生薑大棗水煎三錢食

聖濟總錄卷之四 傷寒後咽

後服

貼喉膏 治喉痛舌強邪熱上攻

白蜜斤半 甘草二兩 猪脂四兩 以脂蜜煉化入甘草煎

赤黑色濾去渣收貯頻取半匙含化

射干煎 治咽喉疼痛閉塞不通

射干研末半斤 猪板脂一斤切 先煎脂化盡下于熬黑色

濾過再熬成煎收貯綿裹彈子大含化

又方 熱病後喉痛閉塞不通毒氣上攻腫病

黃明膠 如掌大一片用水煮軟貼頸外差

傷寒後變成瘧 傷寒後脚氣

傷寒後下利膿血 傷寒後鬩瘡

辟瘟疫令不相傳染

傷寒後變成瘧

論曰傷寒後變成瘧者因病差後外邪未散其臟尚虛因為勞事致二氣交爭陰勝則振寒陽勝則發熱陰陽更勝則往來寒熱休作有時也一日再發者得汗必解若傷寒入九日得之熱多寒少其人不嘔清便自調者欲自愈也或陽明症煩熱汗出日晡所發熱者脉浮宜解表脉實宜

攻裏又婦人熱入血室發熱而更作寒者當詳辯之

升麻前胡湯 治變成瘡寒熱躁渴

升麻

前胡

白芍

知母

木通

朴硝

烏梅肉

山梔

錢五

甘草

炙一兩

生薑大棗水煎五錢去滓入生地汁二合煎二三沸

食後服日二

黃芩鼈甲湯 治傷寒後變成勞瘡久不差

片苓

柴胡

山梔

烏梅肉

炒五錢

鼈甲

醋炙一兩

甘草

一分

生薑大棗柳枝尖七枚大豉半合藥五錢入

童便同浸一宿次早五更煎減半去滓入生地汁一

合沸服

茯苓飲 治寒熱不退變成瘡

赤茯苓

鼈甲

地骨皮

二兩

知母

柴胡

兩半

枳殼

去白炒一兩

水煎五錢去滓入生地汁一合再沸食

後良久服如人行五六里再服

傷寒後脚氣

論曰傷寒後脚氣者緣其人腎經本虛風溼毒氣乘虛客入腎腎主腰脚故邪氣沉滯則脚弱而痛雖傷寒已差邪

熱未盡風溼毒氣與熱相搏上冲于心肺其狀令人心胸煩滿上氣息急甚者致死胗左尺脉洪而數者脚氣也服藥後脉沉而緩者愈

羚羊角湯 治脚氣上冲心膈煩悶

羚羊角

白茯苓

片苓

半夏

薑汁炒

陳皮去白炒

吳茱萸

洗炒

檳榔

五錢

生薑水煎五錢空心服

紫蘇木香湯

治脚氣冲心心神煩亂嘔逆減食脚膝痠疼

疼

紫蘇

白芍

沉香

木通

木香

赤茯苓

五錢

吳茱萸

洗炒

檳榔

陳皮

薑水煎三錢食前服

赤小豆湯

治脚膝腫滿氣急大便秘澀

赤小豆

半合

桑白皮

檳榔

五錢

紫蘇

一兩

水五鍾薑一分煎減半空心分二服

吳茱萸散

治脚氣心腹妨悶脹痛坐臥不安

吳茱萸

洗炒一分

木香

川歸

檳榔

郁李仁

炒三分

水煎三錢空心溫服日二

傷寒後利下膿血

論曰傷寒後變成膿血利者因本病差後熱毒未散乘虛

客于腸胃之間與津液相搏故下利膿血毒氣盛則臟熱而痛兼以溼氣加之則所下如魚腦或如爛肉雞鴨肝之屬又傷寒未解陰病下利便膿血者亦溼熱相搏故也

地榆湯 治熱毒不解日晚壯熱腹痛下利膿血

地榆 川連 片苓 犀角 茜根 一兩 山梔 五錢

水煎三錢入薤白二寸不拘時服

桃花湯 治傷寒少陰病二三日至四五日腹痛小便不利下利膿血不止

赤石脂 四兩 乾薑 炒一分 糯米 二合半

水煎五錢溫三服得愈止

黃連湯 治熱病差後下利膿血不止

川連 阿膠 一兩 片苓 三分 梔子 一分

水煎三錢空心服日二

赤石脂湯 治下利膿血腹痛不止

赤石脂 黑乾薑 附子 川歸 五錢 白芍 一兩

水煎五錢空心溫服日二

傷寒後膿瘡

論曰傷寒後膿瘡者因腹中有熱其人少食胃中空虛三

蟲須食或食五臟或食下部隱僻有瘡故名蠶瘡其候齒無色舌上盡白四肢沉重忽忽喜眠甚則唇裏有瘡其瘡在上唇裏如粟米心內懊懣痛者此蟲食五臟之症若下唇裏有瘡其人喜眠者此蟲食下部之症若肛爛見五臟者或故名曰蠶瘡

桃仁湯 治傷寒後蠶瘡

桃仁 去皮尖炒

槐角子 炒

熟艾 兩

大棗 十五枚

水煎分三服

槐角子丸 治溼蠶蟲食下部心中煩懊

槐角子 炒

苦參 兩

乾漆 炒三分

木香

檳榔 兩

桃仁 去皮尖炒二兩

熊膽 五錢

共末蜜丸桐子大空心荆芥湯下二三十丸

羚羊角散 治心中煩躁唇口生瘡蟲食下部

羚羊角

黃芪

玄參

柴胡 三分

草龍膽

升麻 五錢

共末用槐角子湯空心下二錢日二

雄黃散 治蠶蟲

雄黃

醋研一分

川連

苦參

青箱子 兩

桃仁

去皮尖炒研三分

共末空心飲下一錢五分蠶在下部以綿裹少許

內之

桃皮湯 治蟲食下部

桃白皮 榧實 槐角子一兩

石榴根皮五錢

大棗水煎五錢空心溫服日二以差為度

天行下部蠱瘡

烏梅肉五錢

搗

獨蒜一枚

搗

屋塵三合

研

用苦酒一升于銅器中共煎候可丸即丸如棗核大
內下部中少頃易之差

傷寒不究心仲景則變證不知雜證不識今總錄中變

證備載仲景祖方一無遺漏按方療治神明在人矣本
家藏發明仲景傷寒書自郭白雲龐安常成無已後約
五十餘家節菴非仲景衣鉢不與焉行將剗剔傷寒集
註公諸宇內則學有淵源方有祖法為醫家大宗匠此
余之所厚望於來學也

康熙辛酉花朝靜觀居士程林識於維揚三一齋中

辟瘟疫令不相傳染

論曰凡時行瘟疫皆四時不正之氣感而病者長少大率
相似此病苟不辟多致傳染宜方術預防

不相傳染

敗龜板湯 治辟時行瘟疫令不相傳染

敗龜板 酥炙 五錢 山梔 大青 白芍 羚羊角

馬牙硝 紫苑 前胡 兩一 水煎五錢空心溫服日二

蒼耳子散 宜預先服之辟瘴疫時氣

蒼耳子 午日乾 三兩 為末空心井華水下二錢

又方

蕪青 不拘多少 水洗淨 搗取汁立春後值庚子日合家大小

宜溫服一二鍾則永除瘟疫之患

塗傳方 辟瘟疫時氣

雄黃 兩一 丹砂 鬼臼 石菖蒲 兩一

共末井水調和塗五心及額上鼻中耳門辟瘟甚驗

調中丸 治四時疫癘非時之氣

大黃 炒五兩 麻仁 研一兩 枳殼 炒 白茯苓

白芍藥 前胡 片苓 兩一

共末蜜丸梧桐子大空心飲下二十九微利臥服佳

聖濟總錄纂要卷四終

辟瘟疫令



聖濟總錄纂要 卷之五

新安 程 林雲來 纂

關東 劉世英 舍初 較

新安 江 湘 鄧上 閱

瘧疾門

寒瘧 溫瘧 寒熱往來瘧 瘧瘧

諸瘧統論

論曰夏傷于暑秋成痲瘧該于夏而作也方夏之時陰居

聖濟總錄卷之五
于內暑雖入之勢不能動候得秋氣陽爲之動變汗出遇風乃成此疾故名曰痲瘧皆生于風蓄作有時其氣陰陽上下交爭虛實更作陰陽相移也陽併于陰則陰實而陽虛陽明虛則寒慄鼓頷巨陽虛則腰背頭項痛三陽俱虛則陰氣勝陰氣勝則骨寒而痛寒生于內故中外皆寒陽盛則外熱陰虛則內熱內外皆熱則喘而渴故欲冷飲因傷于暑熱氣盛藏於皮膚之內腸胃之外此榮氣之所舍也令人汗空疎腠理開因得秋氣汗出遇風及得之于浴水氣舍于皮膚之內與衛氣並居衛氣者晝行于陽夜行

于陰此氣得陽而外出得陰而內薄內外相薄是以日作日作者氣之所舍淡也作之早晏者隨風腑日下一節也是以或先寒後熱或先熱後寒或但熱無寒或本于痰或本于瘴癘或本于鬼神或本于邪氣大槩外傳經絡內入五臟症旣不同治法亦異凡治瘧者不辨陰陽虛實概以吐藥投之有非痰實而真氣受斃者固多其內經論五臟諸經之瘧本以刺法補瀉其寒熱先後與夫正發早晏又皆不同明指邪氣所傳不可一槩而論今備載諸症本末叅以治之輕重要在隨症而施庶幾乎無一曲之蔽也

寒瘧

論曰寒瘧之狀內經謂先寒而後熱病以時作是也蓋傷暑汗出腠理開發因遇夏氣淒滄之水寒其氣藏于皮膚腠理之中秋傷于風則病成矣其症先起于毫毛伸欠乃作寒慄鼓頷腰脊俱疼寒去則內外皆熱頭痛飲冷是也檳榔湯 治寒瘧神効

檳榔

常山 桂心

陳皮

去白炒

甘草

炙一兩

酒水合煎三錢未發時先服

鼈甲常山酒

治瘧先寒戰解即壯熱

鼈甲

醋炙一分

淡竹葉

一兩

甘草

常山 三分

酒半鍾浸

藥一宿次早加水煎未發時溫服得吐為效

蜀漆散

治寒瘧

蜀漆

水洗去腥焙

雲母

火服一晝夜

龍骨

一兩

共末未發時漿下五分

烏梅丸

治寒瘧不止

烏梅肉

炒

桃仁

去皮尖炒

常山

豉 炒三分

升麻

肉蓯蓉

酒浸洗

人參

甘草

炙

桂心

一兩

共末蜜杵丸桐子大空心酒下二十九至三十九

虎骨丸 治一切寒瘧無問遠近

虎骨酥油炙 人參 甘草 桂心 烏梅肉炒五錢

桃仁去皮尖炒 肉蓯蓉 常山 升麻三分 附子五錢

麝香研一錢 豉炒一合 共末蜜丸桐子大未發時飲下

三十丸

二薑散 治寒瘧不差

黑乾薑 高良薑一兩 同炒黑為末空心酒下一錢日三

寒瘧塗方

鼈甲醋炙五錢 烏賊魚骨去甲 附子 常山 炙甘草一兩

酒煎五錢次日以酒塗手足并背上如不發即止發時飲此酒一鍾

又方

附子一枚半用 為末用酒和塗病人背心上佳

溫瘧

論曰溫瘧之狀內經所謂先傷于風後傷于寒其症則先熱後寒病以時作是也蓋風為陽氣寒為陰氣風氣大勝故先熱而後寒得之冬中風寒氣藏于腎內至骨髓至春陽氣大發邪氣不能自出至夏大暑腦髓燥肌肉消腠理

發洩或有所用力邪氣與汗俱出故氣從內之外其法宜先治其陽後治其陰則瘧疾自除

蘆根湯 治初壯熱後寒戰骨節痠疼口乾煩渴

蘆根 石羔一兩 麥冬 升麻 葛根三分 山梔五錢

水煎五錢入竹葉十片未發前連三服

知母湯 治瘧骨節疼痛時嘔朝發暮解暮發朝解

知母一分 甘草一兩 石羔三兩 桂心五錢 粳米一合

水煎五錢入米一撮候未熱未發時先服

常山飲 治溫瘧壯熱微寒

常山如雞骨者五錢 淡竹葉一把 小麥一合 水浸一宿次早

煎未發時空心溫服 老年久病之人及虛弱者煎三錢服

寒熱往來

論曰陰陽相勝而寒熱互作者以邪氣相并也故氣并於陰則為寒氣并於陽則為熱寒則振慄鼓頷以陰實陽虛故也熱則渴而飲冷以陰衰陽勝故也

柴胡桂枝湯 治瘧寒熱往來

柴胡四兩 桂枝 人參 片苓 白芍兩半 甘草

半夏一兩

薑棗水煎六錢溫服日二

人參湯 治寒熱瘧時作面色黃

人參

常山五錢

甘草

陳皮

去白炒三分

水煎五錢入茶末燈心去滓入酒半鍾未發時先服
取吐如未吐再服以痰盡為度

鼈甲大黃丸

治瘧寒熱往來久不差

鼈甲

大黃生

附子

人參

甘草

常山

蜀漆

白薇一兩

共末蜜丸桐子大竹葉湯平日服十五丸良

久又服

瘧瘧

論曰瘧瘧之狀內經所謂但熱不寒陰氣先絕陽氣獨發
少氣煩寃手足熱而欲嘔是也得之邪熱留于身中厥逆
上冲氣實而不外洩因有所用力腠理開疎風寒客于皮
膚之內分肉之間而發發則陽氣盛不及于陰故但熱不
寒氣內藏于心外舍于分肉之間令人消爍肌肉名曰瘧
瘧以單陽無陰故也

白虎加桂湯

治瘧疾陰氣孤絕陽氣獨發脉微少氣煩

滿手足熱欲嘔但熱而不寒邪氣內藏于心外舍于

分肉之間令人消燦肌肉

石羔 研一兩
六錢

知母 鹽酒炒
六錢

甘草 蜜炙
二兩

粳米 炒半
合

用汲水一升煮藥五錢入粳米一撮以米爛為度去滓入桂末三錢再煎取四合作一服稍熱服取汗先寒發熱汗出愈

豉心湯 治痺瘧但熱不寒

豉心 合一

雄鼠屎 炒二錢

童便 三升
半

黑山枝 三分

柴胡 一兩
一分

甘草 五錢

烏梅肉 七枚
炒

生地汁

生薑汁 一分

桃枝心

柳枝心 各一分

除鼠糞地薑汁小便將藥入小便浸一宿于星月下
次早煎去滓入鼠屎地薑汁煎分三服一日用

石羔湯 治痺瘧熱甚不差

石羔 研二兩

白粳米 五十粒

常山 三分

水煎五錢入竹

葉二七片空心欲發與正發時各一服靜臥勿與人語俟過發時再洗手面飲食七日內禁房事及酒麪熱物久瘧不過二劑

車前草湯 治痺壯熱不止渴欲飲水

車前草 常山 生甘草 升麻 大豉 炒五錢 粳米

聖濟總錄卷之三十三
水浸五錢于星月下露一宿上橫刀一把次早五

更煎空心温分二服良久即吐吐定以漿粥止之

常山飲 治癰瘡但熱不寒煩渴不止

常山 生甘草 烏梅肉炒 青蒿五錢 竹葉二十片

以童便白酒各一大鍾微煎露星月下一夜上橫刀

一把次早空心温服及當發時各一服以差為度

間日瘧 痰瘧 痲瘧 勞瘧 久瘧

鬼瘧 瘧母

間日瘧

論日間日瘧者邪氣著于陰不得與陽氣俱出也衛氣晝行於陽邪氣不得出故必再會而後發是以間日乃作

醇醪湯 治間日瘧

大黃炒三分 常山 甘草炙兩半 水煎三錢未發先服

常山酒 同

常山一兩 蒜獨頭者一枚 糯米 黑豆百粒 共粗搗以白

酒一升浸上件露星月下一宿上橫刀一口次早煎

未發時三分飲一分如未吐更服一分得吐差

糯米煮散 同

糯米四十粒 常山 淡竹葉 烏梅肉炒 炙甘草五錢

石羔二兩 共末水煎五錢未發時先服

神聖丸 治間日瘧先寒後熱

黑豆小者廿一粒 白砒細研一錢 大棗二枚飯上蒸去皮核 共研極

細須於五月五日或七月七日修合丸如豌豆大丹

砂為衣陰乾冷茶清下三丸忌食熱物一伏時 合

丸時忌女僧尼姑雞犬

痰瘧

論曰痰瘧之狀胸中不利頭痛振寒快慄而不能食食即

嘔吐寒去則內外皆熱更作心下支滿痰積胸中氣逆煩
嘔故謂之痰瘧

石羔飲 治一切痰瘧

石羔三兩 常山二兩 淡竹葉三兩 生甘草 烏梅肉二兩

粳米半合 水煎五錢空心溫服吐痰差 如熱甚加大

黃一兩

犀角散 治痰瘧嘔吐

犀角 升麻 玄參 常山五錢 細辛 甘草生

松羅 山枝一分 水煎五錢空心徐徐溫服取吐痰涎效

痲瘧

論曰痲瘧者以瘧發該時或日作或間日作也夫衛氣流行合于晝夜陰陽邪氣內舍于榮隨衛氣以出入而應于風府其作之早晏皆以時發寒溫瘧瘧動作亥時故內經統謂之痲瘧其狀伸欠乃作寒慄鼓頷腰脊痛寒去則內外皆熱頭痛如破渴欲冷飲

麻黃丸 痲瘧發作有時

麻黃

去根節 一兩

常山

甘草

知母

大黃

生五錢

共末蜜杵丸小豆大未發前空心飲下五七丸臨發

再下

鼈甲漬酒

治痲瘧以時發

鼈甲

九肋 醋炙

附子

甘草

一兩

常山

二兩

烏賊魚骨

去甲

二兩

酒三鍾漬藥五錢明早先以酒塗五心次溫飲一

二鍾

常山酒

治痲瘧先寒戰後壯熱日發及間日作者

常山

淡竹葉

一兩

鼈甲

醋炙 一兩

甘草

三分

共粗搗酒

浸五錢於星月下露一宿次早水煎未發時先溫服取吐效

知母丸 治一切瘧

知母 烏梅肉炒二兩半 常山 肉苁蓉 豉炒二兩

炙甘草 人參 桂心兩半 共末蜜丸桐子大酒下二

十九

扼虎膏 治瘵瘧

胭脂 阿魏一大豆許同研 入大蒜肉研和為膏用大核桃

一枚劈開去仁取一片以藥填核內發時將藥核覆在手虎口上男左女右令藥着肉以帛縛定過宿乃去

勞瘵

論曰勞瘵者以久瘵不差氣血俱虛病雖間歇勞動即發故名曰勞瘵蓋邪氣日深則氣息愈耗表裏既虛故令人食減肌瘦色悴力劣而寒熱如故也治宜補養氣血

柴胡湯 治勞瘵經久不差

柴胡兩一 人參 黃芪 片苓 甘草 括樓根錢五

薑棗水煎五錢未發時先服日二

祛勞湯 治瘵經年不差寒熱痿瘦

鼈甲 柴胡 常山 知母 甘草 青蒿 枳殼炒

桂心

一兩

木香

五錢

白三寸煎空心溫未發先服已發又服

柴胡枳殼湯

治勞瘧經久不差熿熿發熱骨節疼痛不

下食小便赤澀日漸消瘦

柴胡

枳殼

升麻

麥冬

鼈甲

甘草

桃仁

一兩

水煎三錢未發先服日二

常山丸

治積勞寒熱

常山

知母

蜀漆葉

白薇

炙甘草

烏梅肉

炒

麥冬

升麻

地骨皮

三分

鼈甲

萎蕤

五錢

大豉

炒

合

石羔

一兩

共末蜜丸小豆大空心飲下十九未發

烏梅丸

治積年虛不差顏色羸瘦無力

烏梅肉

炒

人參

桂心

炙甘草

升麻

五錢

桃仁

去皮尖炒

肉蓯蓉

常山

三分

豉

微炒一分

共末蜜杵

丸桐子大空心飲下二十九未發前服三十九

牛膝飲

治瘧經久不差

牛膝

生一兩

水煎空心分二服

常山湯

治瘧經年不差

常山 知母 鼈甲 甘草 柴胡 青蒿 枳殼炒

桂心一兩 桃枝心 柎枝心各一把 水煎五錢入葱白

薤白各三寸空心温服日二

烏梅五補丸 治瘧經年不差狀如勞疾

烏梅肉 黃芪 桂心 肉蓯蓉一兩 柴胡 桃仁去皮

尖炒 赤茯苓 人參 升麻 川歸酒洗 常山 懷生

地一兩 甘草炙兩半 麝香五錢 共末蜜杵丸小豆大空

心酒下二十九加至三十九

二物湯 治久瘧食少肌瘦

童子小便半升 白蜜一兩 同入磁瓶內煎數沸分三服

久瘧

論曰久瘧者瘧疾經久不差發汗吐下過甚真氣虛耗邪氣淡沉以內搏衛氣不應故積歲月而難治雖有虛痞不可攻治當先其發時用湯液以發汗蓋浸漬薰蒸邪氣方出出則微汗令小便利者表裏俱和則久瘧自差矣

黃芪散 治瘧四肢虛汗出不止

黃芪 牡蠣 人參 知母 麻黃根各一兩 共末未

發前小麥湯空心下三錢未差又服

久瘧 霍亂轉筋

車前草湯 治久瘧憎寒壯熱不止渴欲飲水

車前草 常山 升麻 甘草五錢 大豉微炒 白糯米

炒半合 水浸三錢露星月下一夜上橫小刀一口次早

煎空心溫服相次又服良久得吐吐定即食稀粥

枝子湯 治久瘧經年不差

枝子一兩 常山三分 車前子葉炙五分 粳米半合

水煎五錢空心溫服以吐利為度

常山湯 治久瘧不止

常山 烏梅肉炒一兩 生甘草三分 薑水煎三錢空心

溫服發時再服以差為度

鬼瘧

論曰鬼瘧者外邪之所乘也凡人真氣內虛神守不固則鬼邪投間而入故恍惚喜怒寒熱更作苦有所持而屢發屢止治宜禳解兼以祛邪安神之劑即愈

獨勝丸 治鬼瘧經久不差

桃仁大者一枚 和皮尖劈二片一片書奉勅斬鬼四字一

片書奉勅殺鬼四字合作一枚以彩線紮定五更新

汲水吞下

三聖丸 治鬼瘧

雄黃 雌黃 大黃生各一兩 各研末用井華水浸蒸餅

丸小豆大發日清晨取汲水向東方下二丸宜五日

午時修合

阿魏雄黃丸 治鬼瘧經久不差

阿魏 雄黃五錢 柳枝心 桃枝心取向東者各十七寸為末

丹砂一分外一分為衣 共末以三家粽角小豆大丹砂丸為

衣發日用淨器磨一丸塗中指尖上男左女右未退

冷水下一丸

瘧母

論曰瘧母者因病瘧久不差結為癥瘕是也邪伏于陰故久而成形不治其母雖或時差已而復發其本未除故也治以破結削癥之劑除其病本則瘧自除

鱉肉煎丸 治瘧久不差結為癥瘕名曰瘧母

生鱉肉半斤治如食法 片苓 葶藶子紙炒 柴胡 蜣螂去頭

翅足炒 桃仁湯炮去皮尖另研 大黃生 牡丹皮 紫苑

瞿麥穗去梗 半夏湯洗去滑薑汁炒 人參 黑乾薑 大戟

阿膠蛤粉炒 海藻水洗去鹹汁 廔蟲炒 鼠婦炒去足

瘧母 霍亂轉筋

紫朴一分

桑螵蛸炒一兩

石韋

去毛淨用羊脂炒焦黃

桂心

射干

取紫色者用米泔浸一日

赤芍藥一分

共末取竈下灰三升

白酒二升用竹籬盛灰以酒淋取灰汁澄清用汁煮
鼈肉令爛絞去肉將汁入藥末同煎成膏試可丸即

止丸如桐子大未發前空心酒下二十九

雄黃丸 治遠年瘡結成癥瘕

雄黃

醋煮研

丹砂

麝香五錢

鼈甲

醋浸炙

白薇

虎頭骨

酥炙

木香

羚羊角

知母

烏犀角

麻黃

去根節

防風

柴胡

茯神

草龍膽

川歸

酒洗

牡蠣童便淬

赤芍藥

猪苓

升麻

檳榔

龜甲

醋炙

玄參

烏梅肉

地骨皮

洗淨

山枝

川連

安息香

阿魏

醋研入麩作餅炙

菱麩

桃仁

去皮尖炒

龍齒

各三分

共末入蜜杵丸如梧子大未發時空心飲下二十九

臨發再下

瘧疾發熱身黃小便不利

瘧痢

瘧氣

瘧瘧

瘧疾發熱身黃小便不利

論曰寒熱凌瘧于人名為瘧病瘧而發熱小便不利者身

瘧疾發熱身黃
霍亂轉筋

必發黃此蓋熱氣下迫入于小腸水道既澀故小便不利
常山飲 治手足苦煩發熱渴躁通身悉黃小便不利

常山 柴胡 山枝 甘草一兩 石羔 赤茯苓 蜀漆

炒 鱉甲二兩 水煎五錢入竹葉二七片豉百粒

知母湯 治發熱煩渴咽乾口燥身黃怠惰小水澀

知母 升麻 人參 麥冬 柴胡 犀角 地骨皮

一兩 鱉甲 石羔二兩 甘草半兩 赤茯苓三兩

水煎四錢入豉五十粒

柴胡湯 治大渴煩躁引飲身黃小便不利

柴胡二兩 人參 麥冬 知母 杏仁去皮尖炒一兩

炙甘草五錢 水煎四錢服以利為度

赤茯苓 治發熱煩躁身面黃小便不利

赤茯苓 片苓 桂心一兩 升麻 甘草 常山

蜀漆炒五錢 水煎五錢服以利為度

赤茯苓湯 同前

赤茯苓 白芍炒一兩 白朮土炒三分 木通 瞿麥穗一兩

生薑葱白水煎五錢溫服以利為度

瘧痢

論曰瘧痢者瘧久不差寒熱邪氣內搏腸胃間也其病寒熱往來利下膿血赤白相雜腸中切痛隨其陰陽而治之黃連犀角丸 治傷寒病瘧兼痢疾無問下赤白水穀完出及下鮮血并皆主之

川連

犀角

豉

龍骨

火煨 四兩

牡蠣

醋淬 五錢

共末蜜丸桐子大飲下三十九日二

前胡丸

治傷寒瘧氣急黃并利

前胡

赤茯苓

片苓

白芍

枳殼

去白炒 五錢

大麻

仁

兩半 研

大黃

生一兩

共末蜜丸小豆大空心飲下十

九以溏利為度又利服十五丸

瘴氣

論曰傳言瘴氣乃山川毒厲之氣又云江山霧氣多瘴凡以其氣鬱蒸而然也閱諸方論治瘴氣之法不一或謂其症與傷寒相類有在表可汗者有在裏可下者有在膈可吐者或以治瘧法治之者蓋原廣南山川地形瘴氣所生之因及春夏之交又瘴氣所起之時與夫人染瘴氣拯治之法悉著于篇庶可考焉且陽生于子盛于巳陰生于午盛于亥陽不極則陰不萌陰不極則陽不長而廣南位當

聖濟新金匱要 卷之五
巳午則陰陽之氣蘊積于此可知矣天不滿西北地不滿
東南西北陰也土地高厚東南陽也地土卑下而廣南屬
東南則土地之卑下可知矣以土地卑下而陰陽二氣所
蘊積是以四圍之山崇高相環百川之流悉皆歸赴及秋
草木不凋瘁冬令蟄蟲不伏藏寒熱之毒蘊積不散霧露
之氣易以傷人此岐伯所謂南方地下水土弱蓋霧露之
所聚也故瘴氣獨盛于廣南然瘴氣所起其名有二孟夏
之時瘴名芳草而終于秋孟冬之時瘴名黃芒而終于春
四時皆能傷人而七八月間山嵐煙霧蛇虺鬱毒之氣尤

甚當是時疾瘴大作不論老少或因飢飽過傷或因榮衛
虛弱或冲煙霧或涉溪澗但呼吸斯氣皆成瘴疾其狀頭
疼體痛胸膈煩滿寒熱往來咳嗽多痰全不思食發渴引
飲或身黃腫脹眉髮脫落此皆毒厲鬱蒸之氣所致夫生
于凌者安于凌其土人宜無所慮矣然且日食檳榔蓋檳
榔之性破堅毒除蘊積故耳治法先以磁石下收其陰次
以丹砂上正其陽陰陽氣正中滿自消然後以檳榔解其
餘蘊毒斯愈矣

磁石丸 治瘴氣下收其陰

磁石 三兩醋
滓七次 研極細醋煮糊丸小豆大汲水下三十

丸日二

丹砂散 治瘴氣上正其陽

丹砂 明亮者
三兩飛 蜜水下五分旦一服

秦芫湯 治山嵐瘴氣如瘧狀

秦芫 柴胡 牛分 常山 一分 糯米 撮 烏梅肉 炒三
枚

共作一服水煎半分二服取吐利

元氣十補丸 治傷寒瘴氣人虛弱面黃不思食或困或

省心腹脹滿痞氣耳鳴

巴戟天 肉蓯蓉 白朮 石斛 五加皮 一兩 鹿茸

去毛酥
炙五錢 兔絲子 酒
煮 人參 栝子仁 甘菊 三
分

共末蜜丸桐子大空心酒下二十九日二

香椿散 治瘴氣惡心四肢痛口吐酸水不思食憎寒壯

熱發過引飲二廣閩中多山嵐煙霧蛇虺鬱毒之氣

當秋七八月之間芒華發時此疾大作俗謂之黃芒

瘴又謂之芳草瘴是也蓋人或因饑飽或因虛怯或

冲煙霧或涉溪澗遂得此疾謂之黑脚瘴蝦蟆瘴啞

瘴其名不一並皆治之

香椿嫩葉酒浸三兩 炙甘草 南壁土取向日者 臘茶一兩

共末酒下二錢如患久者加入柴胡甘遂各五錢空
心臨臥服

菖蒲散 治瘴氣久治不差

石菖蒲 川芎 白朮炒 蒼朮炒香 荆芥穗

炒山梔一兩 吳茱萸 甘草 硝石 側柏炒黃

荷葉五錢 共末薄荷湯下二錢如患熱疾薑棗煎服

煮黑豆丸 治山嵐一切瘴氣

白朮 蒼朮 甘草 貫衆二兩 共末蜜丸彈子大用

黑豆一合入銚內令平將藥安豆中入水高豆一指
許慢火煮乾復暴乾以絹袋盛之用新汲水吞二十
粒有患處空心一服如涉遠遇饑水下五十粒至百
粒可充饑餒

烏藥湯 治嵐氣一切瘴氣

烏藥炙一斤 半夏半斤薑汁炒 桂心 甘草二兩 馬鞭草

半斤 陳皮去白炒 荆芥四兩 薑水煎三錢服

瘴瘧

論曰人與天地流通萬物一氣故有感于山川毒癘之氣

而為病者瘴瘧是也以其寒熱相似于瘧故名瘴瘧傳謂
兩山夾水多瘴蓋陰氣多而陽氣少則易為寒熱之疾也
白薇湯 治瘴瘧經百日并一年者

白薇 知母 升麻 龍膽草 炙甘草 蜀漆葉炒

片苓 苦參錢五 常山 大黃微炒一兩 淡竹葉三兩

鼈甲醋炙 鼓合一 獨蒜三枚 石羔 赤茯苓三分 酒水合

煎三錢先時及發時各一服仍以藥汁塗手心并面

木香丸 治一切瘴蠱毒等瘧

木香分一 升麻 玄參 猪苓三分 甘草 檳榔

炙鼈甲 犀角錢五 鼓一合炒 共末蜜丸小豆大空心

酒下三十九日二

砒霜丸 治山嵐瘴氣寒瘧解邪毒

白砒分一 澱花二兩 鐵砧上末四兩水淘淨 共研入麝香

少許金銀箔各十片糯米丸芡實大酒下一丸吐瀉差

常山散 治瘴瘧寒熱往來二三日一發

常山 紫朴一兩 草豆蔻二枚 檳榔 炙甘草錢五

烏梅肉七枚 水煎三錢候冷未發前先服如熱服即吐

保安湯 治瘴瘧久不差

常山 桃仁

錢五

知母

青蒿

兩一

薑水煎二錢稍

熱服

中暍門

中熱暍

中熱悶絕

中暍統論

論曰盛夏炎熱人多冒涉路途熱毒易傷微者客於陽經令人嘔逆頭眩心神懊悶汗出惡寒身熱發渴即時不治乃至熱氣伏留經絡歲久不除遇熱即發俗名暑氣甚者熱毒入內與五臟相併客邪熾盛鬱痰不宣致陰氣卒絕陽氣暴亾經絡不通故奄然悶絕謂之中暍此乃外邪所

擊真臟未壞若遇藥救氣通則甦但治熱暍不可飲以冷物冷則熱不流通若外以冷觸則熱蘊積於內反不得宣發故也

中熱暍

論曰熱暍之病由冒犯暑熱邪氣其脉弦細孔遲其狀汗出惡寒身熱而渴身重疼痛小便已則灑灑然毛聳四肢厥冷微勞動則熱口開齒燥經所謂脉虛身熱是為傷暑此不可汗下若汗下之則惡寒更甚宜以去熱邪藥治之則愈

白虎湯 治中熱暈頭痛汗出惡寒發熱而渴

知母去毛六兩 石膏研一斤 甘草生二兩 糯米六合

水煎五錢空心溫服 一方加人參

小香薷飲 治伏暑吐逆中噎

香薷穗二兩 人參一兩 白扁豆炒五錢

水煎三錢空心溫服

竹茹湯 治中噎煩渴不止

竹茹合 甘草一分 烏梅肉炒二分 水煎時時細呷愈

消暑散 治中暑煩躁多困乏力

人參 白麩一兩 共末空心汲水下二錢

甘露散 治暑氣

川連一兩 吳茱萸洗五錢 同炒莢黑色地上火毒去莢

用連為末食後茶清或汲冷水下五分

甘露丸 治中暑熱躁悶

寒水石火煨放井中浸七日研四兩 天竺黃 馬牙硝二兩

生甘草一兩 冰片研五錢 共末糯米粥丸莢實大薑蜜

水下丸

救生散 治中暑毒煩躁渴悶

脂麻

新者三兩
慢炒黑色

為末用新汲水下三錢以差為度凡

暑熱外不可以冷物逼之得冷即死

中暈悶絕

論曰中暈之病令人悶絕者乃熱毒傷于臟也蓋心藏神而惡熱若冒觸暑毒蘊蓄於五臟則陰陽不能升降經絡不能宣通故奄然悶絕然真臟未壞救療有方使呼吸之氣宣通即甦亦不宜待其自甦又不可使之犯冷若外犯冷則與熱氣相拒令氣反不通而速斃宜慎之
熱暈欲死悶氣方

生地汁

一鍾

令旋旋灌之即甦

中暑毒熱暈不省方

上白麩

用熱湯和三錢令人灌之即差

中熱不省人事方

大蒜

去衣
搗爛

用新汲水調和灌之差

又方

以溼泥圍中暈人臍使二三人溺其中不可使流去此路上無湯可用乃令人溺取溫有湯不必溺也仲景云泥及車缸蓋此物必冷暈人忌冷若得熱湯和泥及

火燒平瓦可用也

又方

生苜蓿 搗取汁微温一鍾令人灌之愈

又方

掘池作小坑子以蜜半鍾傾坑內入新汲水二三鍾攪
勻取起放碗內澄清水漿一鍾灌之差

中熱暈死方

取路上熱塵土以塞其心冷復易之候患人氣通乃止

陳皮湯

陳皮

去白炒

黑乾薑

炙甘草

一兩

水煎三錢稍冷嚥

勿頓與之中暈垂死備急救生

霍亂門

霍亂吐利

霍亂嘔吐不止

霍亂四逆

霍亂心腹痛

霍亂統論

論曰三焦者水穀之道路氣之所終始也因風冷或飲食
傷內至中焦不和則正氣不守而邪得內干揮霍之間便
至撩亂故名霍亂蓋清濁相干于腸胃之間便至撩亂腹

痛即利甚者吐利俱發其不吐不利謂之乾霍亂亦以冷食暴爭於中而不得出也然脉必代者以氣不足也脉大能言者為可治若脉微氣劣而不欲言為難治

霍亂吐利

論曰霍亂吐利者以三焦氣不升降而清濁相干於腸胃五內悶亂先心痛則吐先腹痛則利心腹並痛則吐利俱作治此者當清中焦為本中焦既和則清濁自分而吐利止矣

藿香湯 治吐利不止

藿香五錢

白芷

砂仁一兩

丁香一分

水煎二錢稍

煎

大豆飲 治吐利不止

大豆 陳皮 香茹 竹茹 前胡 蘆根 枇杷葉

薑水煎五錢服以差為度

理中湯 治霍亂吐利虛冷

人參 白朮三兩 甘草 乾薑二兩 水煎五錢溫服若

胸滿腹痛吐下者加川歸紫朴薑炒各二兩

四順湯 治吐下虛冷厥逆腹痛乾嘔

乾薑 人參 甘草二兩 附子一枚 水煎五錢空心溫

服 一方下甚者加龍骨二兩 腹痛不止加川歸
二兩

香茹丸 治冷熱不調霍亂吐下

香茹兩半 扁豆 木香兩一 丁香皮兩二 益智仁分一

零陵香 藿香錢五 共末糊丸桐子大蘇湯下二十九

青金散 治吐逆手足厥冷面青諸藥不效者

硫黃一兩溶作汁 水銀一兩與硫汁溶結成沙子 研細用冷木瓜湯

下二錢米飲下亦可

和氣煮散 治吐下冷熱不和

胡椒 菜豆兩一 人參分一 共末水煎三錢空心稍熱服日二

霍亂嘔吐不止

論曰霍亂嘔吐不止者胃氣逆故也胃氣逆則氣上而不下故嘔吐不止也若上下升降陰陽和平而吐自止矣
人參藿香湯 治霍亂

藿香 紫朴兩二 人參 白茯苓 乾薑 青皮

枇杷葉 半夏薑炒 甘草兩一 丁香錢五 草豆蔻六枚

薑水煎三錢熱服 定嘔逆止心腹刺痛進飲食化

痰益氣

香茹湯 治吐逆不止煩悶

香茹 陳者一斤

扁豆

紫朴

薑汁炒半斤

水酒合煎五錢汲

水坐頓冷分二服未效再服

紫朴湯 治嘔吐不思食

紫朴

薑汁炒二兩

人參

白朮

半夏

薑炒

陳皮

一兩

薑棗水煎三錢空心溫服日二

返魂湯 治嘔逆手足厥冷

食鹽

一分

生薑

一兩

用童便碗半煎一碗分三服

人參湯 治下焦熱氣逆上嘔吐不止各日走哺

人參

山枝

片苓

知母

萎蕤

一兩

白茯苓

陳皮

白朮

石羔

兩半

薑水煎三錢服日二

四汁煎 治吐嘔不止

生藕汁

生葛汁

木瓜汁

一合

生薑汁

半合

同慢火煎如飴頻服一二匙含化徐徐津液咽下

藿香散 治吐逆開胃和氣

藿香

一兩

人參

丁香

五錢

訶勒皮

十枚

石蓮心

二百枚

糯米

三百粒

共末煨生薑大棗煎濃湯下二錢

霍亂四逆

論曰四肢為諸陽之本陽氣之所通也霍亂吐利陽氣暴厥故四肢逆冷而脈微欲絕也古法治四逆專于通脈蓋榮衛流行氣道升降則手足自和逆者順矣

理中湯

治傷寒霍亂嘔逆四肢厥冷煩悶汗出食不化

心腹虛滿拘急短氣

麥冬

乾薑

人參

白朮

附子

白朮

三兩

甘草

四兩

水煎三錢空心溫服少頃又服

龍骨湯

治吐利手足逆冷

白龍骨

黑附子

一兩

黑乾薑

人參

炙甘草

兩半

生薑水煎三錢空心溫服以差為度

霍亂心腹痛

論曰霍亂心腹痛者由脾胃虛弱客風冷之氣使陰陽不和致水穀相并清濁莫分變亂于腸胃之間令人心胸煩懊悶亂不安故名霍亂然邪氣上干於陽絡則心痛而嘔吐下搏於陰經則腹痛而瀉利故謂之霍亂心腹痛也

桂心湯

治心腹疼痛煩嘔不止

桂心

三兩

紫朴

薑汁炒

枳實

炒

薑水煎三錢溫服日二

抵聖散 治霍亂宿食不消心腹疼痛

紫朴

薑汁炒四兩

白朮

土炒二兩

人參

白朮

高良薑

炒

木香

吳茱萸

洗炒

草豆蔻

枳殼

甘草

陳皮

去白

炒一兩

共末空心沸湯下二錢日二

石菖蒲汁湯 治霍亂心腹痛急如中惡

石菖蒲

生者四兩

水洗搗取汁一鍾分四服熱湯和汁服

厚朴湯 治霍亂心腹痛煩不止或嘔

紫朴

薑汁炒

桂心

枳殼

去白炒二兩

白芍

炒

檳榔

微煨

一兩 生薑水煎三錢空心溫服

縮砂散 治心腹冷痛嘔逆惡心滑泄不止

砂仁

陳麩

白朮

赤石脂

黑乾薑

吳茱萸

洗炒

川芎

龍骨

一兩

共末熱米飲下二錢

乾霍亂 中惡霍亂 霍亂乾嘔 霍亂轉筋

乾霍亂

論曰乾霍亂之狀中氣喘爭而不吐不利是也蓋腸胃挾實與正氣相搏正氣暴衰神志昏冒上下隔塞白汗自出治之稍緩則不可救

鹽便湯 治不吐不利冷汗自出氣悶將絕

食鹽半匙熬 童便一鍾 和勻溫服少頃吐下即愈

紫蘇丸 治乾霍亂

紫蘇 陳皮 人參 桂心 高良薑一兩 共末蜜丸

梧子大 氣滿惡心欲吐不吐乾嘔酒下

二十九日二

人參湯 同上

人參 白茯苓 紫朴一兩 桂心 甘草 高良薑炒五錢

薑水煎三錢溫服日二

黍米飲 治乾霍亂

黍米二合 水研澄清取白汁呷盡即差

不得吐利方

食鹽一合 汲水一升 同煎令鹽消服之吐出涎沫便愈

如不吐又如上法飲之令吐佳

活命飲 治脾元虛損霍亂不吐利腹脹如鼓心胸痰壅

食鹽一合 生薑 葛根五錢 丁香七枚 炙甘草一分

作一服用童便煎溫分二服未差再服

中惡霍亂

論曰中惡霍亂者由客邪內干正氣暴亂使胃中食物不
化氣道不澀不得宣通令人心腹卒痛吐利煩悶甚則精
神昏昧靡所知識此得之鬼氣所作也

麝醋方 治中惡霍亂

麝香 細研一錢 米醋 半鍾 共和勻分二服

白朮湯 治中惡吐利手足痲痺轉筋

白朮 土炒 人參 木瓜 一兩 炙甘草 黑乾薑 五錢

生薑大棗水煎三錢溫服日二

霍亂乾嘔

論曰霍亂乾嘔者胃氣逆也本於吐利之後脾胃俱虛三
焦不理氣時逆上但嘔逆而無所出故名乾嘔

木瓜湯 治乾嘔

木瓜 一枚去瓢 人參 乾薑 一兩 紫朴 五錢

水煎五錢溫服日二

薤白湯 治乾嘔不止

薤白 一把切 水煎二服以知為度

厚朴湯 治胃弱嘔吐不止

紫朴 四兩 白朮 五兩 人參 白茯苓 三兩 扁豆葉 乾二兩

水煎五錢服

霍亂轉筋

論曰霍亂轉筋者緣風冷傷于三焦傳于脾胃脾胃得冷則陽氣不得宣行致四肢筋絡不得舒緩此由中氣不足其候胃悶不安脛筋攣結膈肉緊痛反急于上蓋足陽明之經膀胱之脉寒也然足陽明之脉其支者起胃下口循腹裏下至氣衝中而合以下髀關抵伏兔下入膝臏中下循髀外廉足太陽之經其脉循髀外後廉下合淵中貫膈內是動則病髀不可曲轉膈如結膈如裂治宜調胃腑温

膀胱則小水得宣寒冷自下胃腑温和霍亂可愈轉筋之疾無由作也

川椒湯 治轉筋

川椒 炒出汗一分

烏梅肉 炒七枚

水煎入蜜少許頓服老人亦可

肉豆蔻湯 治霍亂轉筋

肉豆蔻 麵煨熟

人參 二兩

桂心

吳茱萸 洗炒一兩

薑水煎三錢服

雞屎白湯 治轉筋悶絕欲死

雞屎白

炒一合

胡椒

粒二十

木瓜

兩六

白朮

桂心

高良薑

兩一

生薑

兩六

水煎五錢溫服日二

木瓜湯

治轉筋吐利不止

木瓜

兩一

青葉銅錢

四十枚

烏梅肉

炒五枚

水煎分二服

藁香子散

治吐利轉筋煩悶

木香

藁香子

炒

人參

陳皮

五錢

甘草

石菖蒲

兩一

共末冷米飲下三錢頃再下

生薑酒

治轉筋入腹欲死

生薑

五兩切片

酒一升煎八合頓服差

雞屎白湯

同

雞屎白

炒一兩研

水煎二錢頓服勿令病人知

附子湯

治轉筋淋足

附子

一枚

葱白

半斤

生椒

綿裹

生薑

切各一分

水一斗煎

數沸去渣以鹽漿水解之淋洗立差

鹽搨法 同

食鹽

三合

水五升煎三升浸青棉布搨轉筋上

苦酒絮裹足法 同

苦酒

二升

以絮內酒中煮酒裹患處差

又方

木瓜二枚切

水煎湯以青棉布漫裹

神聖香薷飲

治胃氣虛霍亂吐利轉筋腹痛

香薷穗兩半

川連微炒

紫朴薑汁炒二兩

白扁豆炒一兩

用生薑汁四兩慢炒連朴紫黑色入二味同搗粗末
酒水合煎五錢用器乘入井中浸冷連進二服至死

者亦可救

治轉筋方

糯米二兩

人參

生甘草

乾薑二錢

共為末用新汲井水下三錢以差為度

聖濟總錄纂要卷五終

霍亂轉筋

